



অবিলম্বে প্রকাশের উদ্দেশ্যে: 5/17/2023

গভর্নর ক্যাথি হোকল

নিউ ইয়র্ক স্টেটের সিটিজেন প্রিপেয়ার্ডনেস কর্পস প্রশিক্ষণ এখন অনলাইনে একাধিক ভাষায় পাওয়া যাচ্ছে বলে গভর্নর হোকলের ঘোষণা

নিউ ইয়র্কবাসীদেরকে জরুরি পরিস্থিতির জন্য প্রস্তুতি সম্পর্কে শিক্ষাদান করা নতুন প্রশিক্ষণের ভিডিও এখন 13টি ভাষায় [ইউটিউবে \(YouTube\)](#) পাওয়া যাচ্ছে

সিটিজেন প্রিপেয়ার্ডনেস কর্পস উদ্যোগ 2014 সাল থেকে 359,000 জনেরও বেশি নিউ ইয়র্কবাসীকে নিউ ইয়র্ক স্টেটে দুর্যোগকালীন পরিস্থিতি মোকাবেলার প্রস্তুতি নেওয়ার জন্য প্রশিক্ষণ প্রদান করেছে

গভর্নর হোকল আজ ঘোষণা করেছেন যে নিউ ইয়র্ক স্টেটের [সিটিজেন প্রিপেয়ার্ডনেস কর্পস \(Citizen Preparedness Corps\)](#) কর্মসূচি এখন নিউ ইয়র্কবাসীদেরকে ইংরেজি ভাষায় এবং আরো 12টি ভাষায় সাবটাইটেল সহ অনলাইন প্রশিক্ষণ প্রদান করছে। সিটিজেন প্রিপেয়ার্ডনেস কর্পস 2014 সালে প্রতিষ্ঠিত হয় এবং ডিভিশন অব হোমল্যান্ড সিকিউরিটি এন্ড ইমার্জেন্সি সার্ভিসেস (Division of Homeland Security and Emergency Services), নিউ ইয়র্ক ন্যাশনাল গার্ড (New York National Guard), এবং আমেরিকান রেড ক্রস (American Red Cross)-এর বিশেষজ্ঞদের নেতৃত্বে পরিচালিত হয়। এই কর্মসূচি নিউ ইয়র্ক স্টেটে ঘটতে পারে এমন দুর্যোগ এবং অন্যান্য জরুরি পরিস্থিতির জন্য প্রস্তুতি নেওয়া, সেগুলোর প্রতি সাড়া দেওয়া, এবং সেগুলো থেকে পুনরুদ্ধারের প্রতি মনোযোগ দিয়ে 359,000 জনেরও বেশি নিউ ইয়র্কবাসীর জন্য প্রশিক্ষণ ও সংস্থানসমূহ প্রদান করেছে।

"সিটিজেন প্রিপেয়ার্ডনেস কর্পস কর্মসূচির একটি অনলাইন উপাদান যোগ করার মাধ্যমে, আমরা অত্যন্ত গুরুত্বপূর্ণ, জীবন রক্ষাকারী তথ্যকে অধিকতর বিস্তৃত দর্শকদের কাছে পৌঁছে দিচ্ছি এবং নিউ ইয়র্কবাসীরা যাতে আমাদের সামনে এসে উপস্থিত হতে পারে এমন দুর্যোগগুলোর প্রতি সাড়া দানের জন্য প্রস্তুত থাকে তা নিশ্চিত করছি," বলেছেন গভর্নর হোকল। "আমার শীর্ষ অগ্রাধিকার হচ্ছে নিউ ইয়র্কবাসীদেরকে নিরাপদ রাখা এবং এর মানে হলো দেশের মধ্যে সবচেয়ে প্রস্তুত নাগরিক হয়ে উঠার জন্য তাদেরকে প্রয়োজনীয় হাতিয়ার প্রদান করা।"

নিউ ইয়র্ক স্টেটের ডিভিশন অব হোমল্যান্ড সিকিউরিটি এন্ড ইমার্জেন্সি সার্ভিসেস-এর কমিশনার জ্যাকি ব্রে বলেন, "আমাদের প্রথম কাজ হলো নাগরিকদেরকে নিরাপদ রাখা এবং

সিটিজেন প্রিপেয়ার্ডনেস কর্পস সেসব প্রচেষ্টায় অত্যন্ত গুরুত্বপূর্ণ ভূমিকা পালন করে। ইতোমধ্যে, 350,000 জনেরও বেশি নিউ ইয়র্কবাসী এই প্রশিক্ষণ গ্রহণ করেছেন, এবং এই নতুন, অনলাইন একাধিক ভাষার উদ্যোগটি চালু হওয়ার মধ্য দিয়ে, সব নিউ ইয়র্কবাসী, তারা যে ভাষাভাষী হোন না কেন, যাতে অত্যন্ত গুরুত্বপূর্ণ প্রস্তুতি সংক্রান্ত তথ্যের অ্যাক্সেস পান তা নিশ্চিত করতে আমরা সাহায্য করছি।"

নিউ ইয়র্ক স্টেটের অ্যাডজুটেন্ট জেনারেল, মেজর জেনারেল রে শিল্ডস বলেন, "2014 সাল থেকে নিউ ইয়র্ক ন্যাশনাল গার্ডের সৈনিক ও এয়ারম্যানরা নিউ ইয়র্কবাসীদেরকে কিভাবে দুর্ঘটনার সঙ্গে মানিয়ে নিতে হবে এবং এরপর সেগুলো থেকে সেরে উঠতে হবে তা শেখানোর জন্য গর্বিত ভূমিকা পালন করে আসছে। এই প্রশিক্ষণ এখন বৃহত্তর অনলাইন দর্শকের কাছে পৌঁছে যাচ্ছে দেখে আমরা আনন্দিত।"

নতুন অনলাইন প্রশিক্ষণ এখন ইংরেজি ভাষার অডিও এবং নিম্নলিখিত ভাষাগুলোয় সাবটাইটেল সহ পাওয়া যাচ্ছে:

- আরবি
- বাংলা
- চীনা
- ইংরেজি
- ফরাসি
- হেশিয়ান ক্রিওল
- ইতালীয়
- কোরিয়ান
- পোলিশ
- রাশিয়ান
- স্প্যানিশ
- উর্দু
- ইন্দিশ

গত আগস্টে, গভর্নর হোকল ঘোষণা করেছেন যে 2020 সালের শুরুতে কোভিড-19 মহামারীর কারণে থেমে যাওয়ার পরে স্টেটজুড়ে সশরীরে উপস্থিত হয়ে অংশগ্রহণ করার সিটিজেন প্রিপেয়ার্ডনেস কর্পস (CPC) প্রশিক্ষণ পুনরায় শুরু হতে যাচ্ছে।

CPC প্রশিক্ষণ কোর্সের সময় নিউ ইয়র্কবাসীদেরকে সব বিপদের জন্য প্রস্তুতি গ্রহণের শিক্ষা দেওয়া হয়, যা তাদেরকে জীবনের জন্য ঝুঁকিপূর্ণ পরিস্থিতিতে কাজে লাগানোর মতো দক্ষতা, কিভাবে পারিবারিক জরুরি পরিকল্পনা প্রণয়ন করতে হবে সে সংক্রান্ত তথ্য এবং জরুরি রসদ মজুদ করার গুরুত্ব সম্পর্কিত তথ্য, এবং জরুরি সতর্কবার্তা ব্যবস্থার মতো উৎসগুলো থেকে নোটিফিকেশন পাওয়া সম্পর্কে বিস্তারিত তথ্য প্রদান করে। নিউ ইয়র্কবাসীদেরকে alert.ny.gov ঠিকানায় ভিজিট করে স্টেটের বিনামূল্যের জরুরি সতর্কবার্তা ব্যবস্থা, NY-অ্যালার্টের জন্য নিবন্ধন করতে উৎসাহ দেয়া হচ্ছে।

সশরীরে উপস্থিত হয়ে অংশগ্রহণের কোর্সগুলোর জন্য CPC প্রশিক্ষণের সময়সূচি এবং কোর্সে নিবন্ধনের উপায় [এখানে](#) DHSES ওয়েবসাইটে পাওয়া যাবে।

আপনার এলাকায় একটি নাগরিক প্রস্তুতি কোর্স প্রশিক্ষণের অনুরোধ করতে, একটি ইমেইল পাঠান: NY.Prepare@dhses.ny.gov।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418